



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
GJYKATA THEMELORE GJAKOVË

---

Numri i lëndës: 2018:006610

Datë: 22.10.2018

Numri i dokumentit: 00151073

**P. nr. 175/18**

**NË EMËR TË POPULLIT**

**GJYKATA THEMELORE NË GJAKOVË-Departamenti i Përgjithshëm** , Gjyqtarja **Ilirjana Hoti** , me sekretaren juridike Flutur Nagavci, në çështjen penale kundër të akuzuarit V.K. nga Gjakova , për shkak të veprës penale asgjësim apo dëmtim i pasurisë nga neni 333 par.1 të KPRK-së, sipas Aktakuzës të Prokurorisë Themelore –DP në Gjakovë, PP.nr.288/18 të datës 26.02.2018, në shqyrtimin fillestar , të mbajtur më datë **22.10.2018**, në prani të Prokurorit të shtetit B.K., të dëmtuarës H. S. dhe të akuzuarit V.K. ,te njëjtën ditë mori dhe publikisht shpalli këtë:

**A K T G J Y K I M**

I akuzuari **V.K. nga Gjakovë, Rr”W.”** ... nr. ... , i biri i R. dhe i nënës Gj. e gjinisë Agaj , data e lindjes ...në Gjakovë , ka të kryer shkollën e mesme , i pa punë , i gjendjes së dobët ekonomike, shqiptar , shtetas i R. Kosovës , i pa martuar, nr. ID ....

**Ë s h t ë f a j t o r:**

**Sepse:**

-me datën 21.12.2017 ,rreth orës 18.20 ,ne Gjakovë ,në Rr”K.e B. “ ,pikërisht ne parkingun afër maketit “R.” ,me dashje dëmtton pasurinë e të dëmtuarës H.S.nga Gj. .në atë mënyrë qe pas një mosmarrëveshje qe kishte pasur e dëmtuara me bashkëshorten e të pandehurit ,i pandehuri i revoltuar dhe nën ndikimin e alkoolit ka shkuar tek parkingu dhe aty ka vërejtur veturën e të dëmtuarës të tipit “.... ” ,ngjyre e kaltër ,me targa ....,dhe me një mjet të mprehtë ka shpuar dy gomat e anës së djathtë të veturës , me ç ‘rast të dëmtuarës i shkakton dem material ne vlere rreth 80 euro .

**-me çka ka kryer veprë penale të asgjësimit apo të dëmtimit të pasurisë nga neni 333 par.1 të KPRK**

Andaj Gjykata në bazë të nenit 4,41,43,49,50,51,73 të KPRK-ës, dhe nenit 333 par.1 të KPRK-së dhe nenit 365 të KPPK-së të akuzuarit i shqipton:

**DENIM ME KUSHT**

**Dënim me burgim me kohëzgjatje prej 4(katër) muaj ,i cili dënim nuk do te ekzekutohet nëse i akuzuari brenda kohës se verifikimit ne afatin prej 1(një) viti, nuk kryen ndonjë veprë tjetër penale .**

Obligohet i akuzuari qe ne emër te shpenzimeve procedurale dhe atë ne emër te paushallit gjyqësor te paguaj shume prej **30.00 euro**, ne afat prej 15 ditëve ,pasi qe Aktgjykimi te merr formë te prerë ,nën kërcenim te ekzekutimit me dhunë .

### **A r s y e t i m**

Prokuroria Themelore në Gjakovë, me aktakuzën PP nr. 288/18 të datës 26.02.2018, e ka akuzuar të akuzuarin V.K. nga Gj., për shkak të veprës penale asgjësim apo dëmtim i pasurisë nga neni 333/1 të KPRK-së.

Prokurori i shtetit Bajram Kryeziu , në shqyrtimin fillestar me dt.22.10.2018, lexon aktakuzën , PP.nr. 288/18 të datës 26.02.2018, deklaroi se mbetet në tërësi pran aktakuzës por benë përmirësimin e të dhënave personale te akuzuarit si ne procesverbal te këtij shqyrtimi

I akuzuari V.K. , gjate shqyrtimin fillestar duke u deklaruar lidhur me fajësinë thekson se e pranon ne tërësi fajësinë sipas aktakuzës me te cilën pandehet duke i ditur edhe me pare pasojat e pranimi te fajësisë dhe atë ne mënyrë vullnetare dhe pa presion, shtonë se me pranimin e fajësisë ne çdo fazë te procedurës jam penduar për veprën e kryer nen ndikimin e alkoolit ,kërkojë falje nga e dëmtuara per demin e shkaktuar, premtojë se një veprim i tillë nuk do te përsëritet , shprehi gatishmërinë per kompensimin e demit ,andaj i propozoi gjykatës te merr parasysh te gjitha këto rrethana lehtësueses si pranimi i fajësisë ,kërkim faljen nga e dëmtuara për demin e shkaktuar te me shqiptojë një dënim me te butë .

E dëmtuara H.S. gjatë shqyrtimit fillestar deklaroi se nuk e kundërshton pranimin e fajësisë nga i akuzuari i bashkëngjitëm ndjekjes penale por kërkojë kompensimin e demit te shkaktua ne shume prej 80 euro .

Duke u deklaruar Prokurori i shtetit Bajram Kryeziu thekson se nuk e kundërshton pranimin e fajësisë pasi qe i njëjti është i vetëdijshëm për pasojat dhe favoret juridike te pranimi te fajësisë ,dhe se aktakuza ka mbështetje ne provat materiale qe gjenden ne shkresat e lendes.

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari V.K. : me datën 21.12.2017 ,rreth orës 18.20 ,ne Gjakovë ,në Rr”K. e B. “ ,pikërisht ne parkingun afër maketit “R. ” ,me dashje dëmton pasurinë e te dëmtuarës H.S. nga Gjakova, në atë mënyrë qe pas një mosmarrëveshje qe kishte pasur e dëmtuara me bashkëshorten e te pandehurit ,i pandehuri i revoltuar dhe nën ndikimin e alkoolit ka shkuar tek parkingu dhe aty ka vërejtur veturën e te dëmtuarës te tipit “...” ,ngjyre e kaltër ,me targa .....dhe me një mjet te mprehtë ka shpuar dy gomat e anës se djathtë te veturës , me ç ‘rast te dëmtuarës i shkaktonte dem material ne vlere rreth 80 euro .

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë ,për shkak te se cilës gjykata nuk ka administruar provat ,gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimi te fajësisë gjyqtari i vetëm gjykues konstatojë se i

akuzuari ka kuptuar natyrën dhe pasojat e pranimi të fajësisë ,pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,ne materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike .

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpalle fajtor dhe ta gjykojë ne bazë te ligjit ,me pare duke vërtetuar përgjegjësisë penale juridike te tij.

Me rastin e matjes së dënimit ,gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit .Rrethana rënduese nuk gjeti ndërsa si rrethana lehtësuese gjykata ka marrë parasysh personalitetin e të akuzuarit , pranimin e vullnetshëm të fajësisë nga i akuzuarit në çdo fazë të procedurës , sjelljen korrekte të akuzuarit në gjykim ,pendimin e tij për veprën e kryer, premtimin se ne te ardhmen nuk do te kryer veprat e tilla , gatishmëria dhe kompensimi i dëmit me dt. 23.10.2018 sipas deklaratës së të dëmtuarës në gjykatë me dt. 24.10.2018 , të cilat rrethana ndikuan që Gjykata ti zbatoi dispozitat e zbutjes së dënimit Gjykata të akuzuarit i shqiptoi dënim me burg ne kohëzgjatje prej 4(katër) muajve ,i cili dënim nuk do të ekzekutohet nëse i akuzuari në afatin prej 1(një) viti te mos kryej ndonjë vepër tjetër penale, me bindje se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1dhe 2 nën paragrafi 2.6 te KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,  
P. nr.175/18 më datë 22.10.2018.**

**Sekretarja juridike,  
Flutur Nagavci**

**Gj y q t a r j a,  
Ilirjana Hoti**

**KËSHILLA JURIDIKE:** Kundër këtij Aktgjykimi mund të paraqitet ankesë ,në afatin prej **15 ditësh** ,nga dita e marrjes se tij ne dorëzim ,Gjykatës se Apelit ne Prishtinë. Ankesa në kopje të mjaftueshme i dorëzohet kësaj Gjykate.

Numri i lëndës: 2018:006610  
Datë: 22.10.2018  
Numri i dokumentit: 00151073